


CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 31 1940

7

T 3185/3142.81



山陰志卷之十一

人物志

儒林

大也 漢 嚴 光 今 通 城 也 生 三 之 家 前 主 守 漢 官

十 說 六 之 外 盧 京 為 計 漫 之 北 順 德 公 德 國 不

其 神 聖 何 日 節 夫 宜 色 山 川 任 應 賢 家 往 三 帝

其 治 節 符 一 為 儀 備 狀 疑 怨 而 本 是 皆 踪 跡 之 所 往

公 亦 德 之 所 歸 也 下 十 古 詩 無 過 之 所 命 以 在 也

宜都縣志卷之十

人物志

僑寓

天地遠廬也古今逆旅也生二之衆誰非寄寓哉昔
若士觀六合之外盧敖爲汗漫之遊曠識宏襟固不
與甕裡醢雞同日語矣宜邑山川佳麗賢豪往二寄
蹟焉卽雁影鴻儀脩狀屢忽而去是皆踪跡之所往
來精神之所暢適上下千古彷彿遇之可令其湮沒

哈佛大學漢和
圖書館珍藏印

無稱而與蔓艸同腐耶志僑寓

南北朝宗

炳字少文其先南陽人祖承爲宜都太守遂家焉初武帝領荊州牧辟炳爲主簿不赴炳善琴書圖畫精於元理及武帝受禪頻徵不應妻羅氏亦有高致與炳情愜治裝遠遊荆巫南登衡嶽凡所游履皆圖之於室曰吾撫琴動操則衆山皆嚮衡陽王義季問炳曰欲屈先生以重祿可乎荅曰祿如腐艸盛衰幾何古有金石美爲諸桓所重桓氏亡其聲遂絕惟

炳傳焉文帝遣楊桓就受之後徙江陵

劉宋

王曇首太保之弟也瑯琊人武帝封其子義隆爲宜

都王以劉彥之張邵王曇首王華等爲之輔裕謂義隆曰曇首輔相才也汝可每事諮之及文帝被迎入奉大統議者皆致疑曇首與從兄華及彥之並勸上行上猶未許曇首固諫并言天人符應上乃下率府州文武嚴兵自衛及即位謂曇首曰宋之昌非君獨見無以致此卽以曇首爲侍中領驍騎將軍

蕭齊解叔謙字楚梁雁門人母病露禱聞空中語云此病得
丁公藤爲酒便痊叔訪醫及本草註皆無識者乃求
訪至宜都郡遙見山中老翁伐木問奚用曰此丁公
藤療風尤驗叔謙便拜伏流涕具言所以老翁卽以
四段與之并示以漬酒法叔謙受之顧視老翁忽不
見持歸依法爲酒母病卽痊

唐陳子昂字伯玉舉進士高宗崩將遷梓宮於長安是嘗
關中無歲子昂盛言東都勝境可營山陵武后奇其

才名見金華殿嘗過宜都作感遇詩

宋郭雍河南人父名忠孝從程頤學得其傳持節陝西
死金難雍遷居峽州放浪於宜都鯉魚山隱居力學
推先志纂前書乾道間徵不應賜號冲晦處士

張商英新津人仕爲御史裏行以言事出監荆南鹽商
稅又以忤蔡京安置歸州尋移峽州寓居宜都卒葬
白洋驛

解潛建炎中不附和議出爲荆南鎮撫使時荆南殘

破移治於峽州之宜都弟洵獨棲北境其妻爲濱兵所掠後洵至宜都見潛因言頃過河朔孤單羈困或見憐爲娶婦奩資甚厚賴以爲活今在舟中未敢參謂潛命車招迎別創一廬令洵居止且贈以四妾洵獲妾後與婦疎一夕酒間責洵曰不記昔年乞食趙魏時事乎一旦得志便忘恩若此洵被酒奮拳毆之婦嘻笑不爲動又唾罵之至詆爲死老魅婦翩然起燈燭陡滅令氣襲人四壁有聲四妾怖而仆少頃燈復明洵已橫屍地上喪其元其婦已失所在從卒飛報潛親率壯勇三十出捕無所獲

明吳寶江南揚州人也洪武間授宜都令卒於任因居官清介無力扶襯歸子孫遂家於此夫婦塚基猶存後人代有興著

沈奕琛字石爻高郵人貴州普安籍萬末隨父嗣振署本縣教諭因家焉丙子中貴州鄉試仍還宜癸未北上夔陵太史文安之贈以詩云久作寒山掃葉僧

驚傳綵筆燄千屏他山愧不知王粲閉戶誰憐過李
膺三賦舊輸罪玉屑群駢新喜共茵憑南宮高讌含
香近莫惜溪東五尺藤時值國變未歸歷官河南興
屯道庚子復還宜祭掃畱一載去

向維時巴東人本宜都向遜之後以軍功授貴陽太守

國朝順治十七年左遷延平郡司馬為人風流倜儻

博雅能詩著有閩楚二集歸愛宜陽山水遂寓焉

獻徵

鍾大梁之奇挹清江之秀宜之人致足傳也欣傳其
名必傳其實彼矯情飾行非不可以取諸世好第聲
聞過情君子恥焉夫求所謂名滿宇宙功蓋古今者
抑亦寡矣至若窮則多鄉曲之譽達則彰廟廟之光
細行克矜片善足錄者由元迄明於斯為盛茲特遍
搜簡策博採傳聞合而志之序年齒不序爵位尙實
行不尚虛聲幸而傳焉實存而名益著不幸而不傳
焉名湮而實豈亡乎雖無老成人尙有典型宜之人

宜者縣志 卷之十 五
士其共勉於名實之間也可志獻徵

元文 璋潛修力學三舉鄉試後中式授吉州書院山表
今白洋驛後有璋藏修遺址

向 遜自宋迄元九世同居人無間言稱為義門至正
十九年僉事魏奉訓為薦章旌表之其薦畧曰切詳
向氏僻居山林務農力學節義昭著實所罕聞

明鄒思顏字希顏洪武中由貢入監授兵部主事陞行在
監察御史劾奏御史李公敏娶在監罪囚親屬為妻

廉恥道喪漸成風俗以致同僚劉先等效尤為之夫
御史之職糾正百官苟不自正如正人何宜黜之以
清憲紀章上皇太孫命都察院鞠之自是風紀肅然
尋陟大理寺丞轉禮部右侍郎

謝 恭洪武中由貢累官浙江道監察御史清廉明肅
堂考稱最以親老告歸大學士周季迪贈以詩

易 忠字廷諫洪武中由貢入監任四川內江縣蒞政
廉明陞四川道監察御史嘗贊叅軍務執政不阿

余汝弼字廷輔永樂辛卯鄉舉官至工部屯田清吏司
郎中爲人靜澹知義居家孝爰能傾已以濟人里嘗
大喪借諸兄煑粥食之居官儉約不改布衣風蓋棺
之日無遺蓄楊文定公嘗以靜澹知義稱之

吳復初字明善由監生任江西臨江府同知廉介守法
九載不渝其操士民傾服上臺交章保薦加四品俸
仍除九江府同知陞四川敘州府知府致仕

劉宗錡幼以孝稱永樂辛卯鄉舉任鴻臚寺序班典司

禮度三載稱職

孫良字德輝永樂壬午鄉舉初任河南延津縣教諭
嚴教有守陞工科給事中峭直敢言與衆多忤改江
西進賢縣教諭致仕

余謙字孟亨汝弼之子由楷書宣德乙卯薦入翰林
正統間預脩宣廟實錄授中書舍人蒞事內閣陞吏
部郎中天順間陞順天府二丞進東宮侍書奉題聖
烈慈壽皇后神主進太僕寺卿預脩英廟實錄陞太

常寺卿乞歸病卒勅給舟車載歸并賜塋祭

向致和字達道爲人端潔鯁直不求仕進嘗捐資脩橋
周貧景泰間遇歲饑鄉民周福等立券借穀三百餘
石後又荒遂焚前券壽九十有五恩賜糧幣冠帶邑
中推論齒德以致和爲首云

李芳天順壬午鄉舉歷任合肥郟縣訓導考滿回以
母老堅志事養卒于家有司惜之鄉人稱爲孝子

蘇昭字廷顯由監生任福建南平知縣爲人平易端

謹好善樂施一日江濱遇幼子守屍而泣昭問其
對曰父將往巴東及于此無以治殮昭卽出資殮之
并助給還家成化間里人杜姓五人因饑逼食于人
或誣以盜罪昭爲上書當道伸釋焉

趙思縉高祖德隆自元起家五世同居至思縉確守先
訓毋替成化間本縣具奏未下 治七年知州陳宣
復奏旌表之且贈以詩曰讀書不解西銘理誰認顛
連也是親九世遺風先得我百年今日重斯民江山

宜都縣志 卷之十
寄蹟無多地荆楚看花有此春敢負明三天子詔
章封上補經綸

劉宗釜字大鼎居家孝冬秉心公直鄉人有不平者輒
往質之嘗歲饑施粟活者數千人壽八十一而卒

向廷蕙字德馨向遜十二代孫天性孝敬讀書明法律
鄉民薦爲耆老公道直言無所回護邑有一商溺水
同行者被誣廷蕙于當道死爭其人得釋人皆感服
吳徽字德徽性行端謹務農力學通貫經史僻隱山

林養高自重不沽君子之風壽九十餘恩例冠帶

孫安字太亨山監生任山東長清縣丞爲人少言笑
家法嚴肅在任以清謹稱致仕歸閉戶讀書非公不
至邑庭

向明字伯暘致和之子監生性至孝母白氏嘗病夙
夜供侍寢食俱廢禱于天求以身代偶一人以丸藥
授之母病遂愈人皆以爲孝感神助尤睦于兄弟太
學士徐溥爲撰孝友堂記

胡璟字朝用由監生任江西萍鄉縣主簿鯁直持正
人不敢干以私三載告歸囊篋蕭然田宅一無增置
窮約終身

向崑字從周敦義厭浮華淹蹇鄉校未獲上達以
子文璽貴封戶部主事

駱永珍性謹厚動循禮法事父母能順其志父母沒偶
值凶年永珍遵家禮襄大事捐資脩顧家橋成化間
收養流民姜先等各與完配并給田地有民尤三保

死無歸給棺塋之戒子姪使皆守分鄉民有爭者即
解之正德間恩賜冠帶

吳鍾曜字啓東復初之孫少謹厚及長治家嚴肅諸幼
服訓不敢犯父早喪事母最孝母卒廬墓有司以聞
詔入鄉賢祠

向正字從道治乙卯鄉舉任浙江建德知縣陞東
昌府通判嚴人攀轅畱履為立去思碑尋陞太平府
同知晚節益勵

向文璽字國信冕之子。治乙丑進士初任戶部主事。陞員外贊軍務有功。出守廬州政務修舉賑活流移十餘萬人積儲至十八萬石嚴法紀有干執之而已。除山東都轉運使。齟政火行商民賴之。在廬有祠。在山東有碑。歸來有去肯扁舟。此行李來肯行李此扁舟之句。林下謹奉烝嘗視膳奉母以敦篤倫理化導鄉人爲事。結園邑南有司不一觀面。

吳天俸字子膺明之子。幼勤學嘗於雪夜箕坐讀書。

正德戊辰進士累官台州知府。未幾卒于台。器量宏遠才識過人。屢斷疑獄士論優之。

孫奇字正卿由監生任榮昌知縣。剖方敏決吏畏民懷。

余鳳鳴字應和正德庚午鄉舉。初任崇明知縣。蒞政清勤收荒勦賊有功。撫按交薦。兩歸旌賞。四載待徵。爲奸說所梗。復除山東棲霞知縣。未之任而歸。

向讚字廷美。明之孫。資稟穎異。才學冠。肯數奇。塲屋。

士論惜之後由監生在虹縣訓導三載而卒有司津送歸塋

吳邦綬字希文鍾曜之子尙遼國玉山郡主誥封中奉大夫爲人德性謙冲禮度縝密耽文嗜學手不釋卷事國主以下皆有節制終始不渝尺寸砥礪清修一介不苟邑中學士大夫莫不仰重之

吳中父永貞爲邑名醫中繼其業惟以濟人爲心毫

不計利尤重宗黨不責人過待親戚子弟甚恭鄉人推讓其德

向星嘗得遺金于路訪其主而完歸之堅不受謝太平橋北獨捐金成之人服其義成化間恩賜冠帶

向詔字廷宣貢生爲人劄方練達當言不畏雅能自重恥爲非禮之恭高卧林公門無跡一嘗炎勢者咸在所媢笑衣食取裁苟足而已

吳守字約卿天俸之孫幼雋邁有大志登嘉靖丙辰朱大綬榜進士授中書科舍人勅濟馬政奏議若干

卷之十
條一 允當以經濟稱外補南直太平府聞外艱歸
稱疾不起詩學名肯誦之者謂確似唐俸薪所積悉
與之弟族之貧者多賴焉與人一見如舊交咸慕其
允霽之度如以不見黃生云

張中和號交松創置水田壩樣脩城十丈并合江門樓
萬 戊午知縣陳邦宦申文請入鄉賢看語云九十
耆碩三代遺賢助役捐金邑重金湯之譽賑饑散粟
里無流殍之嗟值學道解任未及批評

徐一正字國式器宇端凝不屑煩瑣由貢生初判浙江
台州革除倉例子金署太平縣脩堤闢台人德之
肖像以祀累薦申補戶部郎中或調停馬政或督理
軍務以致關鈔之權御馬之監隨在對偉績著清名
嘗卻中貴暮夜之金及守武定愛民作士有真西山
之風乞休歸明農東野絕跡公門置義田以周濟困
乏松楸之情白首如故

向冠之字子奇由貢生任訓導陞教諭其妻畱侍母多

年獨旅于外每懷念及母時二泣下當道嘉之以此入之獎語屢署邑篆臨行必啓笥篋與衆目之愛異母兄之子如已子助之復產卒業子姪各授一經一門和氣藹如也人咸以此多之

李時選字秋衢由貢生初任四川太寧縣知縣邑有鹽場治間以水淡場廢選到任三日水復鹹上臺嘉其異陞鄭州知州六載課濟官第一因限資格陞真定府同知年老致政歸垂訓子姪動準以禮家庭之

內嚴若公朝爲一時推重

吳應台父天俸任台州知府時繼娶董氏生應台南七月父祖俱卒於任遺家下造致台母子棲托外家母栢丹天節撫育教訓年十六始令歸家與親姪吳守苦志下帷台先守上達累官敘州府同知奉母終養所著有紹溪詩集直都一記敘南造圖等集

何珩字玉吾由貢生初任四川彭山縣知縣嘗征楊應龍應付糧餉克足及應龍平奏改播州爲

置梓潼縣蠻人懷服尋調黔江縣合軍民兩城一遷
縣治黔人德之不以為勞

劉芳節字元度萬 甲午恩選中丁酉第二一名癸丑副
榜第一一名博學宏才與夔陵雷思濡公安袁中道一
肯鼎峙荆楚著作惜未盡梓僅雲在堂行世

聯芳字茂實好古多聞少補餼廩馳名江漢屢科鉞
羽遂授例入太學教子課士著有身箴家箴于苑蕢
蓐俱以文學顯邑士大夫無不推重知縣陳邦宦以

經明行修題于門後應大賓二次

羅 瑀字玉臺年幼穎異苦志積學中萬 丙午副榜
向孔門字二丹壬子舉人初任寶應縣知縣遇事敏決
適江洋盜熾計擒斬之歷泰州知州轉龍安府同知
告歸著柑園衲訓立清江會課士一肯造就甚多

陳 達字道梁學識淹博行誼端方由歲薦初任桂陽
州訓捐資修學復建大成坊紳衿題坊聯云構從前
未有之奇大成坊垂日月朗開向後無疆之景運師

臺德並漢江長陞安化諭復陞承天府授三庠俱勒
石御史溫臯謨薦畧云經術兼通世務才猷可任花
封御史宋復薦畧云樂育化洽群英綏輯才優百里
性安恬退告歸兩膺大賓之席年八十有餘卒

劉漢號文石天啓子丑聯捷初任戶部福建清吏司

主事歷九江鈔關太原知府山西驛傳道至寧武兵
備副使居官清慎以親老疏乞歸養屢召起廢不就
同安視膳朝夕不倦恭事兩兄終始如一兼慎交遊

不預外事

曹慶華字實菴兄弟五人華居長祖篤愛之私遺百金
華不忍私與諸弟公分之厥後少弟蕩產復割已產
補助三赴鄉飲知縣余自強申旌之云心術正大舉
動光明事繼母以孝著撫諸弟以愛聞鄉黨誦其純
謹宗族服其公平壽考終世

陳三謨字龍源廩監賦性磊落以父靜觀憂直買禍死
謨誓報讐備嘗儉阻卒伸其志

羅士翰字鴻漸積學淹博屢試前予數奇未展竟以歲
薦終朕識量宏遠行誼端方識者無不以為公輔許之

云

李 郁字無文號萃岳由庠生入胄監官西城兵馬初
辛酉重慶之變屍浮蔽江收塋約五十有奇塚在清
江北岸延袤里許知縣李耆卿嘉之贈以聯云博施
瘞骨陰功遠膺受宜男福果多甲申獻賊屠城兄馥
懼因投繯郁趨解途遇賊擁馘願以身代遂被掠竟

莫知所終

姚 煥字桂海九科未第崇禎辛巳歲薦文章淹雅志
節清剛遭昔不造百折不屈知縣熊震以父子詩書
一家義氣薦之分守道孟以術裕經世才足籌國轉
薦之撫院堵授以總理叅軍職辭不就

張鵬翼字圖南以貢任京山訓幼昔生五日母周氏死
後繼母蔡氏育兩弟多忌之鵬乃婉順盡其爰愛母
弟感悅及兩弟相繼沒鵬事母撫姪終身如一日

張大道字行之由儒士任照磨太官歸里後遇大亂賊
首張君用據城道團義勇二十餘人攻城扎營紫山
賊夜襲道父子五人奮勇戰死雖未克捷而一音咸
嘉其義

鄭岐喬字西伯象俠士也甲中西山義起岐謀舉兵以
應夔陵土賊懼其見伐潛謀殺之生員祝公遠李曙
實與母郭氏同日皆被害

謹按孝為百行之原理宜分條特書以彰懿德今諸先
輩內以孝稱者不一而足茲並列之獻徵無乃失倫第

世遠年湮姑從舊迹抑且天下無不孝
之鄉先生彙集叅觀同昭勸則可也
又按割股之孝毀傷遺體本不可訓但人之肢體誰甘
一割春秋責備賢者求之匹夫匹婦間一片愚衷未可
盡泯也宜邑志載為親割股者男則有李發春女則有
向氏無所假借無所驅迫教朕為之而不顧殊足嘉矣
并錄之以
勵末俗

節烈

易著坤順詩歌淑女閨門之內蓋風化之原也朕處
順履常白頭衾穴姓氏不出於里閭名湮而遇則善
矣不幸而歷變守貞茹荼飲藥甚至殺身以成仁名

宜都縣志 卷之十
榮而心則苦矣尙忍隱沒失傳不爲亟表其孤芳乎
雖狀大家巨室挾微善而蒙褒下戶寒門抱幽貞而
莫闢節烈之沒於流俗人者正復不少或者謂節關
乎百載之堅持烈出於一肯之義激其中不無難易
軒輊不知慷慨就義視死如歸推其矢志卽屬蕩板
之忠臣矣而又何區別焉嗟二桑間濮上帷薄難言
變節淪操眉鬚不乏彙而列之寧僅爲宜之閨閣鑒
哉志節烈

元張 氏杜 氏俱自洪村人向遜十世孫存仁存義之
妻也仁早亡義繼之二婦皆年未三十各抱提一孩
相依堅守垂白無改至正十九年山南道僉事魏壽
訓保薦之旌表其門曰一門雙節

明向 氏梁從善之妻向遜十二代孫中庸之女年二十七
夫夫卒生子儼方襁褓氏紡績織組以孝事姑衣不
華飾髮不膏沐壽八十餘終

方 氏吳懿之妻年二十五歲懿亡子揚方二歲矢節

定都縣志 卷之十 七
自守事姑至孝鄉人稱之

駱氏余謙孫鳳儀之妻年二十八儀死無子誓不再嫁有議婚者即欲引刀自刎日勤紡績以養舅姑年

六十有司覈實奏准詔有司歲給肉帛旌表其門

李氏鄧家庄人夫鄭伯貴爲盜累諫不從氏自殺以尸諫知縣陶師文碑其墓題曰哲婦

熊氏向嘗之妻年二十五歲而嘗喪遺二子一甫能行一在襁褓僅一厘之產鬻腐爲生矢不再醮年七

十五終

張氏向大亨妻年二十四大亨喪止一女朝夕提攜一僕賣菜以給朝夕年七十八歲終清潔之操始終無議

姚氏生員黃應時妻年二十八歲時喪家私日耗孀姑日老妯蘭氏先亦與其孀處卒改節氏獨以死誓撫育二子甫成

李氏生員劉士忠妻戶部福建清吏司主事劉振祚母也年二十夫喪子振祚三歲氏堅節自持勤苦教子早年遊泮晚年撫三孫成名年八十八終後孫漢聯捷奉詔旌表其門曰節孝文章建坊時彞陵少師文安之贈詩四章

毛氏曹慶暘妻夫卒時氏年二十八遺腹生子品堅節自持撫子成立附郭有田連宦家界氏獨力支持保全貽後年七十九終

吳氏知縣吳寶四世之孫女適處士陳鳳為繼妻鳳卒氏年二十五無子前妻遺一子尚幼吳多方撫育教誨相依為命子沒撫孫清苦自守目擊五代昔人推為齒節無雙年九十八終

陳氏毛楚煥母年二十八夫喪遺腹生煥堅志苦守縣官旌以貞節年垂八十遇亂賊驟至母衰老不及避賊知為節婦反負匿僻處得令終

周氏謝陞之妻年二十七陞喪子五歲氏堅節自矢

撫子生孫子亡復撫孫氏喜施捨造橋梁置寺田其
後孫又亡年六十七終

帥 氏生員帥以仁之女適生員蔣又琬二卒氏年方
二十四止生一女翁父勸其改操氏剪髮自矢對曰
烈女不更二夫何翁父不以烈女待我耶苦節堅守
獨居母家樓上紡織刺繡爲女營奩年五十八終

李 氏李元陽妻年三十夫卒生四子氏堅節勵操教
子二子珩珉俱遊庠享年九十五寡居六十年

鄭 氏巫山縣佐鄭選選次女適陳達次子孔心年二
十三心卒遺子五歲冰霜自勵誓死靡他孝事翁姑
訓子遊泮守節三十五年終

全 氏張明奩妻年二十七奩任洪雅典史卒於任遺
子五歲氏扶襯歸撫子成立生孫遇亂子死撫孫二
又亡年逾七十孤苦伶仃人咸憫之

齊 氏劉大爵妻年二十五爵喪遺腹生子節堅守教
子以省祭任典史知縣陳邦宦旌其節贈以扁年八

十二終

祝氏李世葵妻年二十葵故止生一女舅姑欲其改節堅不可奪庶產不敷自負薪汲水守節三十年而終

潘氏生員李曙實妾本妓女明末大亂遭土寇汪姓者殺曙實欲納為子媳差卒逼取潘開便門投河死三日屍浮顏色如生里人具棺葬之

朱女朱名錄之女崇 癸未賊將張君川屠其父伯

全家女方垂髫賊欲活之女引藥受刃朱氏全家遂

無噍類

按宜都大亂之後如宋女者亦不乏其人志此女者亦嘗一嚮知全鼎之意耳

舊志附末者有生員周國祥妻陳氏吳天經妻張氏
廖雄妻向氏俱蚤歲孀居晚年無改又生員吳萱妻
毛氏早寡為姑吮癰鄉民給食其妻孫向紹英女英
疾氏割股乃痊理宜特書以昭節孝第代遠年湮事
無可考姑仍舊總書之

又吳氏係吳應台女適李潤姑性嚴急氏婉順奉事
克盡婦道自稱多病難育爲夫廣置媵妾生子五人
氏素未生產取妾于自乳潼湧倍出邑人李聯芳爲
著孝慈實錄舊志列條特書狀孝慈非節烈之例茲
故附錄之

劉 氏副使劉漢之女幼聰慧讀書通文墨適生員徐
繹止生一女甲申歲獻賦破城繹死於途氏依父母
避亂依山捕遷數載始還宜父母繼亡女亦歿於

順治五年荆鎮弁將欲強聘之時兩兄隔絕音問不
通氏極力營役事極其周詳并檢所遺器物致書兩兄
託以孤弟遂前續錄

姜 氏易文極女也幼適熊相周相周早亡氏年二十
一歲生一子未離襁褓時賊勢猖獗本地土暴欲奪
氏節氏負子奔父家得免汚辱未幾世平紡績訓子
苦守夫業壽八十終

李 氏邑人曹良祚妻時遭賊亂遇兵於江北石羊山

夫妻幼子同被掠焉氏佯謂賊曰吾夫幼習儒業力不能擔子甫三歲留之無益祈放歸願以身償賊允其言遂放之挾氏行二數十步迴顧夫與子走遠氏卽坐地不行遙見鄉人曳哲堂趨過大呼曰吾曹善治妻也倘會吾夫時令自保重并善撫吾子吾決死於此矣語竟躍起大罵賊延頸受戮

李氏江宗岷妻年二十七岷喪世值亂離苦節自守撫子五十餘年壽八十六而終孫廷昌補昌廩庠

劉氏生員張問行妻年二十六喪夫守志事舅姑以孝聞壽六十五歲終孫經爲邑庠生

蔣氏生員李演之妻演死氏年二十四茹齋守節撫子成立知縣蔣遠旌獎之

朱氏李鼎臣妻年二十二夫喪值世變紛紜嘗艱苦甘心守志舅姑勸其改適斷髮自誓壽八十歲知縣蔣遠旌獎之

向氏張斗光妻光病故易簀時氏席地化紙錢泣云

宜都縣志 卷之十
我夫等我且焚且哭一慟而絕氏素無疾距夫死止
隔一時亦僅見異事也

馬氏熊又周妻年二十歲周病時適鄰有孀婦再醮
者氏聞而哂之及周病危暈絕氏恐家貧無子難以
終節遂自縊死周亦尋卒

張氏生員張斗聯妹生員玉德明妻康熙十五年
姑袁氏病篤氏割股救療當報各憲旌獎

仙釋

昌黎表諫佛骨爰著原道希聖不講黃白獨陳正治
一家幻術聖賢不語狀涉覽傳燈續錄昇仙列傳諸
書端雖異趨各有奇情別理究其旨歸亦每二以修
德累仁篤行濟人爲本務是皆天地間一種精靈誠
恪之氣漸積而成或不必概以寂滅元虛棄擲之也
當讀經論史之餘間舉其事一如布帛菽粟之外另
有火浣鮫綃山珍海錯耳驟見之者不免疑信相參
朕而耳目爲之一新矣若夫邪正有無存而不較可

也姑從同志僊釋

梁太清間宜都有老尼誦經於紫竹菴二臨溪側一日溪水暴漲老尼大笑擲蒲團於水中趺坐其上誦觀音經信流由漢洋江出清江而來莫知所之後人因名其溪爲師姑溪

唐趙慧宗峽州宜都人得九天僊籙三洞秘法皆通曉明徹天寶末忽在郡之東北積薪自焚僚庶悉往觀之慧宗怡然坐火中誦度人經斯須化爲瑞雲仙鶴而

去火既盡其下艸猶綠得遺簡有詩二首其一曰
生於虛置我於無至精爲神元氣爲軀散陽爲明陰爲符形爲灰土神與僊居衆姑將軍萬事永除其二曰
吾駕昔馬日月爲衛洞曜九霄上謂天地明我衆及我門人僞道養神真道養形懋哉二二餘無所陳

宋末宜都長安鄉民有宋姓者居縣西一十五里家有一女年將笄忽一日梳粧整服端坐而化時人以爲登

上卷之十
卷之十
僊焉舍側有泉常滿後父母沒鄉人就舍基建一寺
名曰泐泉其傍仍立宋氏僊女祠遇旱鄉民於此祈
禱有感兵燹後燬宇荒廢止存梳粧石臺

元張守清字洞因號月峽叟宜都人幼習舉子業未成棄
去更爲縣曹掾年三十二嘆曰河清可待人壽幾何
堆金積玉紆紫拖朱皆有盡時奈何不早爲計乎是
嘗武當營洞雲有重名洞因心慕之遂徒步往從之
游居三年盡得雲洞策陽雲巖三師之道創建南巖

天一真慶宮奉詔禱雨雪有神應授體元妙應太和
真人管領教門公事後退隱於清微妙化巖精修上
道一日乘白鶴冲舉

明洪武初年有癩和尚者行乞於市腥穢觸人皆惡之
不與飲食一日卧佑聖觀中道士費道元問之曰老
師癩甚亦自覺其穢否曰不聞又以燠爐置其側曰
聞其香否曰不聞費曰若是則臭不能辨香穢矣和
尚媯狀咲曰沉檀香滿衣處却無受處穢惡腥聞太

虛亦無染處不信太虛亦不能辨香穢且不垢不淨
惟寂惟寞此僊禪宗旨也若識得常住真心打破虛
空太盍本無香穢着甚貪嫌子猶執迹以我爲癩耶
因解衲示之膚若凝雪道士異之乃作禮已遽失和
尚所在

好可道士者不知何許人二亦不知其姓氏體貌古怪
椎結芒屨嗜酒飲數石而不醉善爲巧發奇中能
使鬼正德間嘗往來宜都山中聞其姓氏笑而不答

但點首曰好了人以此故呼爲好了道士云曾至
家索酒其家挈甕與之道士取置空中不墜其所蓄
酒亦不吐立飲盡咲而太他日經過壑前壑下見其
形寢而姍咲之道士遙謂咲者曰善視而壑已而壑
中哄二作聲趨赴視則磚瓦相觸擊盡成沙礫矣居
無幾其方太疫道士遍詣諸疫者家大呼曰爾曹急
去毋擾此一方人也一方遂安疫不爲害道士亦自
是杳莫知所之

宜都縣志卷之十終

宜都縣志卷之十一

事變志

災祥

周禮馮相氏司天文之常保障氏司天文之變各以星土辨九州之地所以察妖祥也蓋陰陽之精其本在地而覆祥上形於天古者登靈臺而占雲物誠凜慎之矣蕞爾宜封似無足為輕重朕天感於上地應於下人承於中不無常變之異叅以五事念用庶徵

上與下均有責焉昔災惑守心宋璟一言退舍彗星見齊晏嬰止禳弭災况乎宰百里者應列宿誠能從一
小民風雨之好則日月之職舉而嘉祥駢集矣志災

祥

晉懷帝永嘉三年十月宜都爨道山崩

劉景平元年五月檀道濟廢營陽王乃迎義隆於宜都有

黑龍負舟

陳高帝太建十四年七月江水赤如血

唐太宗貞觀十五年冬至次年五月不雨

元至正十一年八月地震

明洪武二十三年泮池蓮開並蒂

永樂辛卯年建樞星門伐土得五白龜是歲鄉科中式

五人

正德十六年白龍起城西關廟左

嘉靖二十五年五月二十三日正午天紅西北疾風起

雨雹如雞子大

三十六年大旱

三十七年泮池復產並蒞蓮有白兔自清江躍出

三十八年十二月夜地震

三十九年夏旱秋九月江水溢入臨川門經旬始退

四十年春雪淡三月大疫死者過半溝渠皆殍人

相食

四十一年大旱民皆逃

四十五年大雪逾明年春盡乃止

隆慶元年七月穀始華蝨賊為耗登者十之一

四年大水尖山一帶居民飄沒

萬 元年蝗

三年四月朔日食既盡鷄犬皆鳴

六年九月彗星見西方光芒丈餘

十二年夏大旱秋八月晦西南天裂廣數十丈光燭

於地樞馬皆驚

十四年二月八日至十日雨霾男婦手足龜折

十五年疫五月十五日暴風拔木飛瓦水雹如鷲子
大又鄉民熊祥一乳三子

十七年五月十八日雨雹又縣西民塘產並蒂蓮

二十一年二月二十七日雷震先師殿八月白龍起

滄茫溪又縣西民塘復產並蒂蓮

四十五年拖枋峪洞忽作鼓樂聲七日乃止

崇 四年七月夜地震動搖有聲十月復震

十三年夏旱秋川江清江兩水相鬪湧高數丈

十四年秋蝗飛蔽日經旬不停後小蝗復起子苗盡

食民多殍死十月朔日食既盡晝晦如夜星見鷄啼

十五年秋虎至南門外劉氏書舍去城僅數武

十六年春竹盡花實如麥

十七年三月獻賊入蜀積屍蔽江而下臭聞數十里

一月方盡是年大疫死者十之七八虎復噬人

乙酉年人逃田荒大饑餓殍盈壑人相食又洋津流

民艾武一乳五子

大清順治九年大旱斗米七錢

十五年大水

十六年五月十三日夜風雨異常沙灣山頂水湧龍

蛇蜿蜒趨入大江山裂十餘丈

十七年毒子溪江濱山崩

十八年五月旱至八月盡民大饑

康熙二年八月大水

三年十一月彗星見

四年七月十七日中星見

十一年夏蚩尤旂見向南方秋大水

十五年五月彗星見

十七年春杪蚩尤旗見西南

十八年大旱五月至八月乃雨斗米四錢民大饑

十九年七月大水十月彗星見

二十九年十一月大雪封木凍絕飛鳥墜地死

三十年正月火星遍野逾久乃息

三十五年秋七月大雨經旬江水湧溢幾十丈

三十六年有秋麥穀倍登

兵寇

宜都夙稱巖邑自遭兵燹靡有孑遺今日之星二燐
火皆昔日林二總二之蒼生也蓋緣阻水依山林深
蓄密屯戍者利其險阻伏莽者可以負嵎既為古昔
所必爭且也咽喉楚蜀控制八蠻征進者絡繹載塗
調發者紛紜假道又為古昔所必經虫二小民何堪

驚風鶴乎

今天下放牛歸馬共享

昇平人不知兵何有於寇狀不經湯火不知衽席之安不歷亂離不
識太平之樂豈其含哺鼓腹之餘而意當需力於何有耶志兵寇

周赧王二十七年秦白起伐楚燒彘陵道

西漢武帝元光元年司馬相如遣唐蒙伐西南夷開彘道

東漢光武五年二月征南大將軍岑彭攻拔彘陵田戎奔蜀

彭以峽州穀少水險難漕雷威魯將軍馮駿軍江州

都尉田鴻軍夔陵領軍李鈇軍夔道自引兵還屯津鄉當荆要害

九年正月公孫述遣其翼江王田戎大司徒任滿南郡太守程况將數萬人下江關擊破馮駿遂拔巫及夔陵夔道回據荆門虎牙橫江起浮橋關樓立攢柱以絕水道結營跨山以塞陸路岑彭數攻之不能克十一年春三月帝遣大司馬吳漢率驃騎將軍劉隆等三將發兵萬人騎五千與彭會於荆門吳漢以棹

卒費糧欲罷之彭不可上書言狀帝報彭曰大司馬習用步騎不曉水戰荆門之事一由征南公爲重而已閱數日彭令軍中募能攻浮橋先登者上賞於是偏將軍魯奇應募而前皆東風狂急奇逆流直衝浮橋而攢柱有反鈎船不得去奇乘勝飛炬焚之橋樓遂崩彭悉軍並進順風而上蜀兵溺死者數千人斬任滿生獲程况而田戎走保江州彭表劉隆爲南郡太守自率輔威將軍臧宮驍騎將軍劉歆長驅入江

關所過百姓皆奉牛酒迺勞絕不受爭開門降

蜀漢昭烈帝章武二年春二月進軍猇亭

昭烈屯兵夔道孫桓攻之為昭烈所圍求救於陸遜

二曰未可諸將曰孫安東已困奈何不救遜曰安東

得士衆心城堅糧足可無憂也吾不救安東安東自

解方畧大施漢兵自潰

東吳大帝黃武元年以征西將軍大都督陸遜領兵拒蜀至

宜都屯戍始建城

隋文帝開皇中伐陳二人守荆門狼尾以拒之

蕭銑將陳普環具大艦溯江與開州賊蕭闍提畧巴

蜀許紹遣其子智仁及婿張元靖椽李節追戰覆

其兵擒普環悉獲戰艦江之南有安蜀城地直抵夔

陵荆門城峙其東皆峭險處銑以兵戍守紹遣智仁

等攻荆門拔之

蕭銑僭據江陵屯兵於虎牙唐武德四年李靖王孝

恭以巴蜀兵順流東下拔宜都盡棄舟艦於清江率

馬步兵直抵江陵蕭銳降

明成化間流賊土寇出沒不常奏設普通關巡檢司并古江關巡檢司各設官兵守禦

嘉靖四十五年征勦倭寇調發土兵經駐月餘民大擾崇禎十六年流賊將張君用陷城踞之民遭屠戮

十七年春張獻忠入蜀經縣屠城殺掠殆盡挈君用去

順治二年江北歸化江南爲賊袁塔何天寵牛萬才劉

一二虎王老虎等所割據江南乎遠俱避居江北賊社空虛半壁絕無煙火

四年春江南始歸版圖秋牛賊衝犯典史施於等籠於刃冬袁賊復至往來剽掠出沒不常至七八年方各歸巢穴厥後又爲姚黃王爻進王光興等新盤踞金城赤社陷於賊寇虎穴者垂二十年

康熙七年當陽妖婦江氏及其黨羽李倫覃天恒等煽逆界嶺尖山一帶人民震動彘鎮擒獲伏誅

宜者鼎元
卷之二十一
十三年二月二十八日滇逆吳三桂遣偽將軍夏國
相陷宜都上蔡陵三月初八日復同川路偽將軍劉
賊陶賊牟勝黃正相等至宜都夏陶二賊去雷劉賊
總統諸賊駐劄於宜復添偽將軍王惠鎮守加以西
陽巫山畢節諸賊盤結連營兵如山積滿漢大軍
駐北岸防勦

十四年五月賊陷蔡陵據宜都西塞與

大軍對壘五年之間炮聲晝夜不絕人民危如累卵迄

王師追逐之省而逆賊起營焚掠之慘

賊川逆等與宜都戒嚴

直隸縣志卷之十一終

